

1. 424

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

Zenica, 25.02.2019. godine

02-49-4358/19

JAVNI POZIV GRADONAČELNIKA POVJERIOCIMA GRADA ZENICE ZA ZAKLJUČIVANJE
VANSUDSKIH NAGODBI

Gradonačelnik Grada Zenice poziva sve tražitelje izvršenja (povjerioce) da isključivo u pisanoj formi podnesu prijedlog za zaključivanje vansudske nagodbe sa Grad Zenica kao izvršenikom (dužnikom), a na temelju izvršnih rješenja donijetih od strane nadležnih sudova.

Prijedlog se podnosi Gradskom pravobranilaštvu u roku od 30 dana od dana objavljivanja ovog Poziva u elektronskim i pisanim medijima. Prijedlozi za vansudske nagodbe po ovom pozivu mogu se slati poštom preporučeno ili lično donijeti u prostorije Gradskog pravobranilaštva, ulica Školska broj 4, Zenica.

NAPOMENA: Prijedlozi se lično mogu donijeti svaki radni dan u vremenu od 10 do 12 sati.

Prijedlozi koji se podnesu poslije roka određenog u ovom Javnom pozivu neće biti razmatrani.

Da bi prijedlozi za vansudske nagodbe bili u skladu sa ovim pozivom, povjerilac se obavezuje da će se odreći zakonske kamate na iznos glavnice i to je obavezan dio nagodbe. Pored toga, povjerilac može (nije obavezno) da se odrekne i dijela glavnice i troškova postupka, te će u tom slučaju prije naplatiti svoja potraživanja od onih povjerilaca koji se odreknu samo zakonske kamate.

Prijedlog za vansudsku nagodbu treba da sadrži pisanu izjavu uz sljedeće bitne elemente:

- A) Spremnost povjerioca da se odrekne procentualnog dijela ukupnog duga u smislu:
 - Ukupne zakonske zatezne kamate na glavni dug i eventualno
 - Dijela glavnice i/ili
 - Dijela ili ukupnih troškova postupka.
- B) Sudski broj predmeta,
- C) Izjavu da će nakon isplate glavnice ili dijela glavnice te dijela ili ukupnih troškova postupka povući prijedlog za izvršenje kod nadležnog suda i o tome pismeno obavijestiti povjerioca – Grad Zenica, putem Gradskog pravobranilaštva.

Prednost kod isplate po vansudskim nagodbama imat će oni povjerioci koji budu podnijeli najpovoljnije ponude za dužnika, a Grad Zenica (dužnik) će sačiniti listu redoslijeda isplate povjerilaca u smislu najpovoljnijih i ostalih ponuda. Najpovoljnije ponude su one u kojima se povjerilac, pored zatezne kamate, odriče i dijela glavnice i/ili dijela ili ukupnog iznosa sudskih troškova.

Lista redoslijeda isplata će biti dostupna svim povjeriocima sa kojima se zakluče vansudske nagodbe.

U slučajevima da dva ili više povjerilaca predlažu vansudsku nagodbu pod jednakim uslovima, prednost prilikom isplate će imati onaj povjerilac sa izvršnim rješenjem starijeg datuma, bez obzira na datum podnošenja prijedloga za zaključenje vansudske nagodbe po ovom pozivu.

Dinamika isplate povjerilaca po vansudskim nagodbama bit će naknadno određena, o čemu će povjerioci koji su zaključili nagodbe po ovom pozivu biti pravovremeno obaviješteni.

NAPOMENA: Imajući u vidu ograničenja budžeta Grada po ovoj stavci (isplata povjerilaca po osnovu sudskih i vansudskih nagodbi), obavještavamo povjerioce da postoji mogućnost, a u zavisnosti od broja primljenih prijedloga, te zaključenih nagodbi po ovom pozivu, da sve zainteresovane ne mognemo isplatiti u ovoj budžetskoj godini ali će Grad Zenica svakako nastojati da iste isplati naredne godine.

